

Bulu - Agape Mintilan - God's Love Letter Scriptures

Yoanes 15:9 Aval Tate a nga nye'e ma, ma fe me nga nye'e mia, taba'an e nye'ane wom été.

Ezayi 43:1 Avale di nde Nti, nyô a nga té wo a Yakob! Nyô a nga kôme wo a Israél! A jô éyoñe jina na: te ko woñ amu me kôtéya wo. Me looneya wo a jôé dôé: ô ntoo éñwom.

Jeremia 1:5 te na me kôme wo abume be nyua, me nga yeme wo, a te na ô bialé, a kooé na me teléya wo étyi, a kooé na me teléya wo *nkulu mejô ya *meyoñ.

Yoanes 15:16 Sake mia mi nga tob ma, mamien me nga tob mia, a telé mia na mi ke, a wume bibuma, a bibuma bienan bia ye dañe libi, a na, nge mia ye ja'é Tate jôm éziñ a jôé dam, a ye ve mia je.

3 Jean Lale 1:2 A mba mvôé, ma nyamete na, ô tabe *mvo'é mezene mese a na, nyôle jôé é bo *mvo'é avale da ane nsisime wôé ô né.

Ezayi 43:4 Amu ô ne anen e mise mam, amu ô bili ésemé a amu ma nye'e wo, nde ma ve bôt e señe jôé, a *meyoñ me bôt asu ényiñe jôé.

Jeremia 31:3 Nti a yené be ma ôyap, ma nye'e wo nye'ane ya nnôm éto; ajô te ma ba'ale wo mvame jam.

Oze 11:8 Ma ye bo wo aya a Efrayim? Ye me ne nguleya kuane wo, a Israél? Me ne nguleya bo wo aya ane Adma? Ye ma ye bo wo ô funane Sebôyim? Nleme wom ô ne ntyendan, biôm bise y'abum bia fô'ôsane ma.

Yoanes 3:16 Amu Zambe a nga dañ nye'e *si nyô, nde a nga ve atyi'i Mone dé, ajô te e môt ase a buni nye, a ne teke jañ, ve bi ényiñ ya nnôm éto.

Ezayi 49:15,16 Ye minga a ne nguleya vuane nyañebé é wé? Ye a nji wô'ô mone y'ésô'ô já mintaé? Ja'ane ny'ane vuane nye, ve ma me se nguleya vuane wo.
16 Ô lôô me nga kpwele wo e mo mam été; mimfine mi ne ôsu ya mise mam éyoñ ése.

Ezayi 41:13 Amu me ne Nti, e Zambe wôé, nyô a bi wo. Nyô a jô wo na: Te ko woñ, ma zu volô wo.

Metias 28:20 mi ye'ele be ane ba yiane ba'ale mam mese me nga bendé mia; mi lôô me ne a mia môse mise akekui amané ya *si nyô.

Yoanes 14:1 Nlem ô bo'o te kumetane mia; buna'ane Zambe, bunane fe ma.

Ezayi 41:14 Te ko woñ a étume ya Yakob, mintete'e biuwuwa y'Israél; ma zu volô wo, nalé Nti a jô *nkôté wôé, Nyô y'Israél a n'étyi.

Ezayi 43:2 Nge wo lôt e mendim été, ma ye tabe be wo, nge wo dañ asôé e n'anen, da ye bo te yandane wo yôp; nge wo wulu e nduan été, wo ye bo te dik, a nkaba'a nduan wo ye bo te mane tume wo.

Besam 22:1-6 Sam David. 1 Nti a ne mba'ale wom: maa ye ke yi jôm. 2 A bo me na me bômbô mbamba miñyaneb' été, a wulu ma fefele bivôvoé mendim. 3 A ve nleme wome ngu. A wulu ma e mezene me *zôsôô, amu jôé dé. 4 Eyoñe ma wulu mbi'ili dibi awu, me nji ko jôm éziñe woñ, amu ô ne be ma; ôlé viôé a ntume wôé bi ne nguleya jam. 5 Wo kôme tawôlô ôsu viam. Wo wo'o nlô wome mbon ôsu besiñe bam. A *élaé jam ja fuluku. 6 Mvom a *mvam bia ye fo'o tôñe ma e melu mese y'ényiñe jam. A ma ye bo'o me za'ak e *nda Nti nnôm éto.

Yoanes 14:27 Ma li'i mia *mvo'é, ma ve mia *mvo'é jam. Sake avale si ndône ja

ve mia e nde ma fe ma ve mia. Nlem ô bo'o te kumetane mia, nge ko woñ.

Filip 4:7 A e *mvo'é Zambe ja dañe fe'ése, ja ye ba'ale minleme mienan a asimesane denan e be Yésus Krist.

Minkana 3:24 nge wo bômbô si, wo ye bo te ko woñ; a éyoñ ô mbôô si wo ye ke mbamba ôyo.

Besam 4:9 Awolo ma bômbô si, ma ke ôyo mvo'é amu wo Nti étam wo bo me na me tabe *mvo'é.

Besam 32:18 Ve dise Nti e lôô ba ba ko nye woñ, ba ba yange mvame jé,

Rôme 5:2 E be nye, a zene ya mbunan, bi mbili anyiin e mvame Zambe a tabe je été. A bi bili mevak me ndi nleme ya étôto'o Zambe.

Ezayi 55:12 Yaa, mia ye kui meva'a été, a ba ye kee mia e *mvo'é été; beta minkô a bone minkô ba ye loñ ayenga ôsu vienan, a bilé bise ya fé bia ye kute mefas.

Yoanes 16:22 Mfa'a wônan, mi bili fo'o ôlun éyoñe ji. Ve ma ye beta zu yene mia. A nleme wônan wo ye fôn a mevak, a meva'a menan mete, teke môt a ye vaa mia me.

Lukas 12:9 Ve môt a ye kate ma e mise me bôt, a ye kateban e mise b'éngèle be Zambe.

Metias 10:30 Mfa'a wônan, to'o ésile jenan ése, é ne nlañan.

Ezayi 54:10 To'o beta minkô ba fô'ôsan, to'o ke bone minkô ba ndeñetan, ve mvame jam ma liti wo ja ye bo te man, a élâte *mvo'é jam ja ye bo te tyamé. Nalé Nti, nyô a ko wo éngôngo a jô.

Metias 11:28-30 Za'ane be ma, mia bese mia wô'ô njuk amu adite mbe'e a ma ma ye ve mia awo'on. 29Beka'an éboñeté jam a yéka'ane be ma, amu me ne évôvoé a nleme nje'ebane si a mia ye yen awo'one ya minsisime mienan. 30Yaa, ébôñeté jam é ne tyi'ibi ya be'e a mbe'e wom éeveves.

Jia Solômon 2:10 Ediñe jam ja yia jia é jô'ô me na: kôlô'ô si, a wo, nyô ma nye'e, nyô a n'abeñ, ô zu bi ke.

Oze 2:14,19,20 Ma ndamane ndi'i woone wé, a e figié wé, mbie a mbe a jô'ô na: tame yene ma'ane bibone biam bi veya ma. Ma ye bo ndi'i woone te a befigié bete afan, a bia ye bo bidi betite ya fé. 19 Ma ye vaa biyôlé bi Baal anyu dé, a ba ye bo te beta tot éyôlé jap. 20 Môs ôte ma ye bo élat asu bôte bam, ba be betite ya fé, anone ya yôp, a betit ba nyi'itane si; elaé, nkpwaté mekôn a bita, ma ye vaa bie a bia ye bo momo si éte; a ma ye bo na bôt be too été, be ke ôyo teke woñ éziñ.

Nkôlan 3:14 Ane Zambe a nga yalane nye na: Me ne e nyô me né. A nga jô fe na: Avale di nde wo ye jô Israél na: E Nyô me né a lômeya ma e be mia.

Oze 13:4 A ma me ne Nti e Zambe wôé, ataté si y'Ejipte. O nji yeme Zambe mfe ve ma, a ma étam me ne nyii bôtô.

Yoanes 15:14 Mfa'a wônan, mi ne bemvôé bam nge mia bo mam ma bendé mia.

Nlitan Mam 3:20 O lôô me tele *mbé si a ma kut. Nge môt éziñ a wô'ô tysiñe jam a diine ma *mbé, ma ye nyiine be nye a di be nye a nye be ma.